

SANCTISSIMI DOMINI NOSTRI

BENEDICTI PAP. XIV.

ALLOCUTIO

HABITA IN COMITIIS GENERALIBUS

FRATRVN MINORVM
IN TEMPLO ARACOELITANO

CELEBRATIS IN VIGILIA PENTECOSTES

XVII. KALEND. JUNII

ANNO JUBILÆI MDCCL.



DI-



Equè novum, neque inusitatum Nos
facere, quod vestris hisce Comitiiis
præsideamus, Annales vestri testan-
tur, in quibus decem Romani Ponti-
fices recensentur, qui simile Nobis
exemplum Reliquerunt. Inter illos
Nicolaum V. adnumeratum depre-
hendimus, qui cum universale Jubi-
læum, quod tunc temporis contigerat, solemniter celebraret,
inter cætera pietatis, ac religionis suæ monumenta, illud etiam
præstandum censuit, ut Comitiiis Ordinis vestri Generalibus,
quæ tum Romæ cogebantur, ipse præset (1). Quamquam
vero quodlibet ex iis, quæ innuimus, exemplum, ut Comitiiis
hisce vestris præessemus, satis esse potuisset, tamen dissimu-
landum non est, illud prædicti Nicolai V. Nos vehementer
excitasse & quasi impulsisse; cum & universale Jubilæum a No-
bis quoque celebraretur, & eo cogitationes a Nobis intédantur,
ut illud rite, & qua par est solemnitate peragatur.

Quapropter, dum Generali Conventui vestro præsidemus,
singulari afficimur gaudio: quod etiam magis augetur ob pie-
tatem in Ordinem S. Francisci, quam velut hæreditariam a
Majoribus nostris accepimus, & quam perspicue declaravimus
in omni vitæ conditione, in qua, Deo disponente, versati su-
mus,

(1) Vvading. in *Annalib. Minor.* ad ann. 1450. num 10.

mus, nihil unquam prætermittentes, quod spiritali utilitati
vestræ, quam vobis unice cordi esse non ignoramus, conferre
posse videretur.

Si privatis Familiarum monumentis, & peculiaribus Ur-
bium Annalibus fides præstanda est, compertum habemus
(2) a Guido Lambertino concessum ac liberaliter traditum
fuisse locum ad extruendam Ecclesiam, & Cœnobium Patri-
archæ vestro S. Francisco, cum Bononiæ in honorem Annun-
ciationis SS. Virginis Templum excitare peroptaret, quod
etiam hoc tempore a Vobis in ea Civitate retinetur: quæ qui-
dem Guidi liberalitas, ac pia voluntas, intercedente eodem S.
Francisco, plurima illius Liberis, ac Nepotibus a Deo benefi-
cia comparavit. In historiis pariter vestri Ordinis (1), ac Ci-
vitatibus nostræ Bononiensis (2) plurimum commendatur Beata
Joanna Lambertina, quæ Familiæ vestræ nomen dedit. Ipsa
namque Sanctæ Catharinæ Bononiensis prius Comes, eidem
postea in administrando Monasterio successit, ac tandem hu-
jus mortalis vitæ cursum in Sanctitatis odore consummavit.
Illiusque ossa condita sunt ad pedes ejusdem S. Catharinæ, cu-

(2) Anton. de Anellis in *Genealogia Familiæ Lambertin. Nobilis Bononiensis* MS. ann. 1535.

(1) Artur. in *Martyrolog. Francisc. ad diem 12. April. Vvading ad ann. 1431. n. 21. & ad ann. 1455. num. 110 & 111.*

(2) Gabriel Card. Palæotus *Archiepiscopal. Bononien. in Cathalogo Sanctior. & Beator. Pompeus Vizani Hist. Bonon. lib. 7. ad ann. 1456. Gaspar Bombaci in Bononien. lib. Sanctitate illustrib. pag. 111. & 112. edit. Bononien. ann. 1640. Antonius Pauli Masini Bononien. Perillustrat. pag. 118. & 279. edit. Bonon. ann. 1666. Covalerius Zani in Cathalogo Beatorum Bononien. 1476.*

jus Corpus post plura sæcula integrum adhuc ac sedens, publico Christianidelium cultui patet.

Nemo vestrum ignorat, inter spiritualia Regularium Ordinum ornamenta illud maxime efferri, quod ipsorum Alumnorum inter Beatos ac Sanctos post obitum extollantur, ex quo tum cæteri ad imitanda hujusmodi exempla inflammantur, tum continua quoque in Ecclesia Catholica Sanctitas comprobatur. Illud autem falso a nonnullis affirmari Nos minime latet, videlicet Ordines Cisterciensium, & Carthusianorum sollicitos semper fuisse, ut Viri Religiosi omni sanctitate præstarent, dum viverent, nullam vero impendisse curam, ut ipsi post mortem debitum Beatis ac Sanctis cultum consequerentur. Sed in libris, quos typis emisimus, cum adhuc inter Cardinales versaremur, *de Beatificatione, & Canonizatione Sanctorum* (1), eam sententiam a veritate prorsus alienam satis ostendimus; & in lucem protulimus, ac enumeravimus Beatos, ac Sanctos eorumdem Ordinum, quibus Sedis Apostolicæ Decreto publicus cultus impenditur.

Clemens XI. fel. rec. Nos in juvenili adhuc ætate constitutos inter Advocatos Consistoriales primo cooptavit, & patrocinium Causæ Canonizationis memoratæ S. Catharinæ Civis nostræ, Ordinisque vestri Filiæ, Nobis demandabit: quod sancta suscepimus, ut, solutis difficultatibus, Deo in primis adjuvante, illam inter Sanctas adscriptam Nobis venerari feliciter contingerit. Post hæc, idem Pontifex Fidei Promotoris munus gerendum Nobis impertivit, quod per plures annos exercen-

(1) *Lib. 1. cap. 13. num. 17. & 18.*

tes, inter Sanctos non sine magno labore, conatuque nostro adnumerari lætati sumus tres ex Familia vestra, Jacobum Picenum, Franciscum Solanum, & Margaritam Cortonensem; quinque vero inter Beatos referri, videlicet, Johannem de Prato, Salvatorem ab Horta, Liberatum a Lauro, Andream de Comitibus, & Hiacyntham Marefcoi. Postremo licet immerentes, ad Summum Pontificatum eVecti Nos ipsi Petrum Regalatum solemniter Sanctum declaravimus; & Benedictum a S. Philadelphio, Pacificum a Ceredano, Coletam, & Johannam Valesiam in Beatorum numerum cooptavimus.

Vvaddingus Annalium vestrorum scriptor (2) non immerito suum vestrumque Ordinem magnopere commendat ex eo, quod Fratribus Minoribus a decimo quarto sæculo Divini Salvatoris nostri Sepulchrum custodiendum traditum fuerit: *Non est profecto exigua gloria nostri Sodalitii, ut illud solum præ omnibus, inter omnes Ecclesiæ Ordines tribus integris sæculis in sua habeat potestate Fidei nostræ præcipua monumenta, & Minoritæ dumtaxat Custodes adhibiti sint locorum, in quibus nostræ salutis Mysteria operatus est Christus, & sanctum Domini Evangelium de Patibulo coruscaverat.*

Dilectus Filius RAPHAEL A LUGAGNANO, qui totius Ordinis vestri Generalis Minist. nullius incongruæ voluntati deservivit, sed vita, & moribus decoratus, tanto Ordine dignus inventus est. (1), multum laboris impendit, quemadmodum vobis satis exploratum est, ut ea constitueret, quæ pro locis Sang-

(2) *Ad ann. 1342. num. 59.* (1) Sanct. Gregor. Mag. lib. 3. epist. 22. ad Anton. Subdiac. tom. 2. edit. Parisien. ann. 1705 pag. 639.

cis pie religioſeque aſſervandis conſentanea magis eſſe videren-
tur. Ipſe quidem, favente Deo, incolumis hic verſatur, vobiſ-
que omnibus teſtari poteſt voluntatis Noſtræ ſtudio, ut gra-
viſſimum hoc negotium ad finem ſuum feliciter perducere-
tur; vobiſque ipſis perſpectas eſſe non dubitamus Apoſtolicas
litteras, quas edidimus (2), ut ea confirmaremus, quæ idem Ge-
neralis Miniſter veſter prudenter utiliterque decernenda eſſe
cenſuit ad Sanctam eorumdem ſacrorum locorum cuſtodiam.

Jam ad finem properat annus decimus Pontificatus Noſtri,
in quo benevolentiam noſtram in Regulares Ordines ſemper
ita probavimus, ut nulli unquam juſ eligendi ſuos Præſides,
interpoſita ſola auctoritate noſtra, ſuſpenſum fuerit, ſed illud
intactum ſemper omnibus reliquerimus. Quare, ſi hunc ani-
mum in reliquos Ordines habuimus, conjicere facile poteſtis,
Nos idem præſtituros eſſe erga vos quam libentiſſime. In hunc
locum Comitii veſtris adfuturi venimus, ut libertas veſtra
magis aſſeratur, veſtrisque Precibus ad Deum noſtræ pariter
jungantur, ut ipſe lumen ſuum veſtris mentibus impertiat, ad
idoneum Virum totius Ordinis Præſidem eligendum. Itaque
verbis utemur S. Gregorii Magni Prædeceſſoris noſtri (1) ad
Clerum Mediolanenſem, qui ad eligendum novum Archie-
piſcopum convenerat. *Quia antiquæ meæ deliberationis intentio eſt,
ad ſuſcipienda Paſtoralis curæ onera, pro nullius unquam miſceri
perſona, Orationibus proſequar electionem veſtram.* Deinde S. Pon-
tifex propoſitum ſuis precibus finem declarat, & ſimul virtu-
tes recēſet, quibus novum Præſulem decet exornari. Nos etiam
ſententiæ ipſius vota noſtra accomodantes, eadem proſus ver-

(2) Die 7. Januar. & die 7. Febr. ann. 1746.

(1) Lib. 3. indiſt. 11. epiſt. 29. citat. tom. 2. pag. 644.

ba hic repetemus. Ut Omnipotens Deus, qui futurorum actuum
 nostrorum semper est præsciens, talem vobis Pastorem præbeat, in cu-
 jus lingua & moribus exhortationis Divinæ Pasqua valeatis inve-
 nire, in cujus mente & humilitas cum rectitudine fulgeat, & seve-
 ritas cum pietate, qui vobis viam vitæ non solum loquendo, sed etiam
 vivendo possit ostendere, quatenus exemplo illius discat vestra dilec-
 tio ad æternæ Patriæ desiderium suspirare.

Postremo S. Gregorii ad Electores sermonem convertentis
 exemplo Nos pariter inherentes, obtestamur vos in visceribus
 Jesuchristi, ut privata studia, omnemque terrenam cogitatio-
 nem deponentes, hodierna die, qua gravissimum a vobis ne-
 gotium pertractatur, ad communem vestri Ordinis utilitatem,
 quæ cum Dei gloria conjuncta est, ad conservandam, & ma-
 gis magisque amplificandam Catholicam Fidem, oculos, ani-
 mumque convertatis; Itaque (inquit S. Gregorius) Vos, Filii
 Carissimi, officii nostri censura commoniti, suademus, ut in hac sus-
 cipiendi Antistitis Causa nullus vestrum neglecta utilitate communi,
 suo lucro prospiciat, ne si quisquam propria commoda appetit, frivola
 æstimatione fallatur, quia nec libero judicio præferendam sibi perso-
 nam examinat mens, quam cupiditas ligat. Hæc autem Paterna
 monita etsi vobis, dilecti Filii, viam perfectionis jam ingressis
 supervacanea videri possunt; tamen consentanea valde sunt
 tum Apostolico ministerio nostro, tum muneri, quod geri-
 mus, præsidendi Comitibus, vestris, tum denique Pontificiæ
 quoque, numerisque omnibus obstrictæ benevolentiae, qua
 universum S. Francisci Ordinem complectimur. Semper quip-
 pe oculis nostris obversatur admirabile visum Innocentii III.

Prædecessoris nostri, qui incertus, ac suspensus, utrum Scraphici Patris vestri novum Institutum auctoritate Apostolica confirmare deberet, omnem prorsus dubitationem deposuit, postquam in somnis palmam inter pedes suos paulatim succrescentem, & in arborem pulcherrimam sese elevantem confpexit, & ipsum S. Franciscum hominem licet pauperculum, modicum, & despectum Lateranensem Basilicam jam ruinæ proximam, proprio dorso summisso, ne caderet, sustentantem. (1).

Hæc sunt, dilecti Filii, quæ vobis significanda censuimus. Quare Orationem nostram longius protrahendam non judicamus; sed vos ad Sanctam electionem auspicandam exhortamur.

(1) S. Bonaventura in legenda S. Francisci cap. 3.

